

Službeni glasnik BiH, broj 51/18

Na osnovu člana 40., a u vezi sa članom 23. stav (8) Zakona o radnom vremenu, obaveznim odmorima mobilnih radnika i uređajima za bilježenje u cestovnom prijevozu ("Službeni glasnik BiH", br. 48/10 i 66/16), ministar komunikacija i prometa Bosne i Hercegovine donosi

PRAVILNIK

O IZMJENAMA I DOPUNI PRAVILNIKA O POSTUPKU IZDAVANJA MEMORIJSKIH KARTICA ZA DIGITALNI TAHOGRAF

Član 1.

U Pravilniku o postupku izdavanja memorijskih kartica za digitalni tahograf ("Službeni glasnik BiH", br. 42/11 i 86/12), član 4. u Prilogu 1 riječi: "Kopiju diplome o završenoj školi za vozača (najmanje III stepen zanimanje vozača motornih vozila)" se brišu.

U prilogima 1, 2, 3, 4, riječi: "broj 48/10" zamjenjuju se riječima: "br. 48/10 i 66/16".

Član 2.

U članu 5. stav (3) riječi: "broj 13/07" zamjenjuju se riječima: "br. 13/07 i 43/15)".

U stavu (8) riječi: "broj 36/08" zamjenjuju se riječima: "br. 36/08 i 87/12".

Član 3.

Član 9. mijenja se i glasi:

"Član 9.

(Uručenje kartica)

(1) Nadležni organ uručuje karticu korisniku kartice lično, putem punomoćnika ili putem pošte.

(2) Punomoćnik je dužan prilikom preuzimanja kartice priložiti punomoć o preuzimanju kartice u ime korisnika, ovjerenu kod općinskog organa ili notara.

(3) Kartice koje su isporučene na lokacije nadležnog organa a nisu uručene moraju biti čuvane u sefovima."

Član 4.

Ovaj Pravilnik stupa na snagu prvog dana od dana objavljivanja u "Službenom glasniku BiH".

Broj 01-04-02-2-3475-3/17

28. juna 2018. godine

Sarajevo

Ministar

Mr. **Ismir Jusko**, s. r.